

Starfslýsing fræðslunefndar

1. Nefndin heitir fræðslunefnd. Fjöldi fulltrúa í nefndinni er 5.
2. Á fyrsta fundi eftir aðalfund kýs nefndin sér formann, ritara og gjaldkera til eins árs. Formaður tilkynnir stjórn félagsins (ritara) um verkaskiptingu nefndarinnar að loknum fundi.
3. Hlutverk nefndarinnar er:
 - a) Að bjóða félagsmönnum og öðrum áhugasömum 60 ára og eldri að taka þátt í námskeiðum af ýmsum toga, fræðslufundum, fræðsluerindum, kynningum o.fl.
 - b) Að bjóða félagsmönnum og öðrum áhugasömum 60 ára og eldri að taka þátt í málþingum og/eða fundum um málefni eldri borgara í samráði við stjórn félagsins. Æskilegt er að fá til samstarfs Háskólann á Akureyri, Akureyrarbæ og fleiri aðila þegar um stærri málþing er að ræða.
4. Nefndin getur sbr. 9. gr. laga félagsins fengið aðra félaga til að starfa með sér þegar þurfa þykir.
5. Starfsemi nefndarinnar fer að mestu leyti fram í félagsmiðstöð eldri borgara í húsnæði Akureyrarkaupstaðar í Bugðusíðu 1. Samráð um notkun þarf að hafa við starfsfólk félagsmiðstöðvarinnar eftir því sem við á. Nefndin ber ábyrgð á því þegar viðburði lýkur að ganga frá í sal, loka gluggum, slökkva ljós og læsa hurðum.
6. Nefndinni er heimilt að bjóða félagsmönnum betri kjör á þátttökugjöldum, en þeim sem eru utan félagsins, á viðburði sem nefndin stendur fyrir.
7. Nefndin hefur aðgang að skrifstofu félagsins í Bugðusíðu 1 til fundahalda. Nefndin skráir fundi í dagbók sem liggur frammi. Stjórnarfundir og viðvera stjórnarmanna á skrifstofu njóta forgangs varðandi notkun á skrifstofunni.
8. Nefndin heldur til haga skriflegum gögnum sem verða til í starfi hennar s.s. fundargerðir o.fl. Gögnin skulu geymd á skrifstofu félagsins. Nefndin hefur aðgang að tölvu á skrifstofunni og sitt heimasvæði fyrir gögn sem heppilegt er að geyma á rafrænu formi.
9. Nefndin auglýsir viðburði í fjölmiðlum og á heimasíðu félagsins. Tilkynningar, myndefni, fréttir og annað efni er æskilegt að birt sé á heimasíðu félagsins í samráði við umsjónarmenn hennar. Kostnaður við auglýsingar greiðist úr sjóði félagsins.
10. Formaður nefndarinnar gerir grein fyrir fyrirhuguðu starfi hennar á árlegum haustfundi stjórnar með formönnum nefnda og fleiri aðilum. Nefndin ber ábyrgð á að réttar upplýsingar berist stjórn félagsins í tæka tíð hvað varðar efni frá nefndinni sem birta á í fréttabréfi félagsmiðstöðvanna - á haust- og vorönn. Starfsfólk félagsmiðstöðva eldri borgara í Bugðusíðu 1 og Víðilundi 22 gefur fréttabréfið út.

11. Formaður nefndarinnar flytur skýrslu um starfsemina og fjárhagslega stöðu á árlegum aðalfundi félagsins. Skýrslan miðast við tímabilið á milli aðalfunda. Skýrslan er afhent í handriti á aðalfundi og jafnframt send á rafrænu formi til ritara félagsins.
12. Nefndin ber ábyrgð á rekstri sínum og skal leitast við að hann sé í jafnvægi. Verði sjóðsmyndun í starfi nefndarinnar er sá sjóður óháður sjóði félagsins. Bankareikningar nefndarinnar skulu skráðar á kennitölu félagsins og hefur gjaldkeri félagsins skoðunaraðgang að þeim. Prókúru hefur nefndin sjálf. Komi til þess að fræðslunefnd verði lögð niður rennur sjóður nefndarinnar inn í sjóð félagsins.
13. Þurfi nefndin á fjárstyrk að halda úr sjóði félagsins vegna tiltekinna verkefna, kaupa á tækjum eða búnaði þarf hún að senda stjórn félagsins skriflega umsókn þar að lútandi. Í umsókninni þarf að koma fram hvernig styrknum verði varið.
14. Nefndin leitast við í störfum sínum að efla starfsemi félagsins á sínu sviði með þróun og nýbreytni. Hún ásamt öðrum nefndum og stjórn félagsins efnir til viðhorfskannana meðal félagsmanna, þegar henta þykir, á þeirri afþreyingu og tómstundastarfi sem í boði er á hverjum tíma.
15. Á árlegum aðalfundi félagsins eru kosnir fulltrúar í nefndina til eins árs. Sami aðili má aðeins sitja í sömu nefnd samfelld í fjögur ár. Nefndarmaður sem ekki ætlar að gefa kost á sér til endurkjörs í nefndinni á næsta aðalfundi skal láta stjórn félagsins vita um ákvörðun sína fyrir 5. janúar það ár.
16. Um aðra starfsemi vísast í lög félagsins sbr. 5., 6., 9., og 10. grein.
17. Stjórn félagsins getur á hverjum tíma endurskoðað og gert breytingar á starfslýsingu þessari telji hún þess þörf. Samráð skal haft um breytingar við nefndina.
18. Starfslýsingu þessa skal endurskoða eigi síðar en í árslok 2019.

Þannig samþykkt af stjórn félagsins þann ----- 2016